



Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

De reliquis Dionysii epistolis. Cap. XXXVIII.

urn:nbn:de:hbz:466:1-29861

, esset penitus culpæ vinculis solutus, & ita labe, qua erat
, idolis immolando aspersus, omnino deleta, posset pro mul-
, tis bonis, quæ gessisset in vita, in numerum confessorum
, referri? Hæc Dionysius.

Epistola Dionysii ad Nouatum. CAP. XXXVII.

Videamus iam quænam idem ipse Dionysius ad Nouatum ecclesiam Ro. id temporis perturbantem perscripsit. Ac quoniam idem Nouatus fratres quosdam illius defectionis & schismatis quasi ansam præbuisse, ab illisq; se ad illud ipsum fuisse compulsum, simulabat, attende quomodo ad eum scribat. Dionysius, Nouato fratri. S. Si inuitus, ut dicis, huc inductus es, illud plane ostendes, si sponte ab eo recedas. Oportuerat enim omnia incommoda potius subiisse, quam ecclesiæ Dei discidisse concordiam. Atque illud martyrium, quod quis perpetitur, ne dirimatur ecclesiæ consensio, non minus certe, sed multo plus, meo quidem iudicio, habet commendationis, quam illud, quod suscipitur, ne idolis omnino immoletur. Nam in hoc pro una quisq; anima suffert martyrium, in illo autem pro tota ecclesia. Iam ergo si vel suadendo, vel quasi vi compellendo, fratres ad ecclesiæ concordiam redire efficias, culpæ magnitudinem correctionis modus facile superabit. Atq; ut illa tibi nullo vitio vertetur, ita hic reuera ponetur in laude. Quod si illi adeo contumaces & animo obstinato fuerint, ut nihil omnino te posse apud illos existimes, tamen tuam ipsius animam seruato. Te igitur, si paci adhærescas ecclesiæ, in domino exopto valere. Ista ad Nouatum scripsit Dionysius.

De reliquis Dionysii epistolis.

CAP. XXXVIII.

Scribit præterea idem Dionysius epistolam de pœnitentia ad eos, qui erant in Aegypto: in qua simulac vitiorum gradus descripsit, ea etiam quæ sibi videbantur statuenda de iis, qui, ingruente persecutionis tempestate, lapsi fuissent, tradit. Extat item liber illius separatim ad Canonem, Hermopolitanæ ecclesiæ episcopū, de pœnitentia scriptus. Alius etiam hortatorius ad gre-

EVSEBII HISTORIAE

gem ecclesiæ Alexandrinæ, cui ipse præfuit. Præter istos, est alius de martyrio scriptus ad Origenem. Epistolas porro ad fratres Laodiceæ, quibus Thelymidres præferat episcopus, & ad fratres Armeniæ, quibus Meruanales episcopus præficietur, de pœnitentia itidem conscripsit. His omnibus accedit epistola, quam ad Cornelium episcopum Romanum scripsit, eumq; propter illius epistolam contra Nouatum, quæ ad eius manus peruerat, admodum commendat. In qua aperte ostendit, se tum ab Heleno Ciciliæ Carsensis episcopo aduocatum, tum à reliquis, qui cum eo erant, nempe Firmiliano Cappadociæ episcopo, & Theoctisto episcopo Cæsareæ Palæstine, ut ad concilium Antiochiæ coactum aduentaret: ubi quidam Nouati schisma omni animi contentione corroborare nitebantur. Scribit item epistolam, se certiorem esse factum, Fabinum è vita migrasse, & Demetrianum episcopatus Antiocheni eius successorem designatum. Scribit etiam de episcopo Hierosolomitano his verbis: Beatus Alexander in carcerem conclusus, mortem beatam est consecutus. Est alia item Dionysii epistola fratribus, qui erant Romæ, de ministeriis ecclesiæ, missa per Hippolitum. Alia eisdem de pace scripta. Etiam alia de pœnitentia. Confessoribus præterea, qui illic Nouati opinione erant à veritate abducti, alia. Eisdem ad ecclesiæ iam denuo reuersis reductisque alias duas misit. Alias de nique epistolas ad plerosque alios prescriptas post se reliquit: ex quibus qui etiam hoc tempore cupiditate inciduntur eius opera studiose euoluendi, multiplicem plane ac varium fructum percipient.

EVSE-